


玄覽堂叢書續集

第一二〇冊

中國科學院植物研究所





延平二王遺集



春三月至雲謁牧坐師同孫愛世兄

遊劍門

大木

西山何其峻巉巖  
暨穹蒼藤垂澗  
易陟竹窰徑微涼  
烟對綠野秀春風  
艸路香喬木倚高  
峰流泉挂壁長  
仰看仙岑碧俯視  
菜花黃濤聲怡我  
情松風吹我裳靜  
聞天籟

散忽見林禽翔夕陽在西嶺白雲渡石梁  
巘嶮爭峽岼青翠更蒼茫興盡方下山歸  
鳥宿池傍

西山  
越旬日復同孫愛兄遊桃源澗

閒來涉林趣信步渡古原松柏夾道茂綠  
葉方繁繁入林深幾許瞻盼無塵喧清氣  
蕩胸臆心曠山無言行行過草廬瞻仰古人

園直上除荆棘攀援上桃源桃源何秀突風  
清庶艸蕃仰見浮雲馳俯視危石躄拭石尋舊  
遊隱隱古跡存借問何朝題宋元遑須論長嘯  
激流泉層岫斷屐痕遐邇欣一覽錦繡羅江  
村黃鳥飛以鳴天淨對温温遠色夕以麗落日  
艷危墩顧盼何所之灑然滅塵根歸來忘所

歷明月上柴門

孟夏艸木長林泉多淑氣芳艸欣道側百  
卉皆鬱蔚乘興快登臨好風襲我襟濯足流  
下晴山綠轉深不見樵父過但聞牧童吟寺遠  
忽聞鐘杳然入林際聲盪白雲飛誰能窺真諦  
真諦不能窺好景聊相娛相娛能幾何景逝曾  
斯須胡不自結束入洛索名姝

牧豎師評聲調清越不染俗氛少年得

此誠天才也

瞿給事許桃源上首曲折寫來如入畫一  
結尤清絕次首瞻矚極高他日必為偉器  
可為吾師得人慶

復臺即東都

開闢荆榛逐荷夷十年始克復先基

太師會兵積糧  
于此出仕後為

紅毛荷蘭夷酋  
弟揆玉竊據

田橫尚有二千客茹苦聞闕不忍離

出師討滿夷自瓜州至金陵

縞素臨江誓滅胡雄師十萬氣吞吳

擬并復吳會州縣試看

天塹投鞭渡不信中原不姓朱

晨起登山踏看遠近形勢

旭日東升萬壑明高林秋爽氣縱橫千峯無語

閒雲過瀑布湍飛繫我情

陳吏部逃難南來始知今上幸緬甸不勝



悲憤成功僻在一隅勢不及救抱罪千古矣

聞道吾皇賦式微哀哀二子首陽薇

痛惜瞿何三替師前已殉節使有二人

在今日必不至此

頻年海島無消息四顧蒼茫淚自揮

天以艱危付吾儔一心一德賦同仇最憐忠孝兩難

盡每憶庭闈涕泗流

太師為滿首誘執迫成降再四思量終無兩全之美痛憤幾不欲生惟有血

戰直渡黃龍痛飲或可迎歸終養耳屈節汚身不為也

痛孝陵淪陷

元之

故國河山在孝陵秋州深寒雲自來去遙  
望更傷心

滿酋使來有不登岍不易服之說憤而賦  
之

王氣中原盡衣冠海外留雄圖終未已日  
夕整戈矛

三月八日宴群公于東閣道及崇弘兩朝  
事不勝痛恨溫周馬阮敗壞天下以  
致今日胡禍蹈天而莫能遏也爰製數  
章志亂離之由云爾

蕪京峩峩兮易水悠悠思宗御極兮大勢橫  
流皇赫斯怒兮客魏虔劉閭黨剝盡兮  
賢相旁求皇綱存正兮旁無贊助宸衷獨

斷之嘉猷敷王道之蕩蕩兮不剛而不柔  
真勤政而愛民兮宜乎治而垂旒何期歷  
數之屯兮凶胡殺掠致民窮為流賊之由初  
起撲滅兮易策易籌將相視如疥癬兮  
勦撫之計不講求一任其東西馳突兮固位  
卒歲而優游精神全注于缺之美惡兮賄  
不足是憂情面多而擔當少兮九伐之政不

修前育病賢悞國温薛兮繼臣好貨庸懦  
之陳周卒至寇虜交誑兮猶交相蒙蔽而  
勿置可否所呂縱成凶焰蹈天兮實群臣之  
寡謀最可痛十七載聖皇兮苦身孤立而焦  
愁竟遭千古未有之慘兮抱長恨于寇讎寡  
人嗣位兮負志未酬每与群公道及兮傷悲  
而涕淚難收將區區之愚忠直兮同心同德

賦同仇倘皇靈降鑒兮庶不我尤

又

鍾山巍巍兮長江洋洋聖安監國兮旋正位于  
南京內肯史閣部之忠懇兮外育黃靖國之  
守危疆苟用人盡當其職兮豈徒繼東晉南  
宋之遺芳胡乃置賢奸于不辨兮罷碩輔  
而宵小用張付萬機于馬阮兮致寧南之倡

狂任四鎮之爭奪相殺兮不聞不問而刑賞無  
 章妙選之使出兮既酗酒而復作色荒慨  
 半壁之江南兮已日憲于危亡元首何昏昏兮  
 股肱弗良庶事之叢脞兮安得黎庶之安康  
 陳馬使北而無成兮竟延胡寇巨撤防謀  
 國有如是之乖刺兮俾腥羶泛瀾于四方  
 致黃唐之甬裔兮盡殲于而徬徨賢人

之不甘汚辱兮蹈東海而遠颺痛恨乎奸  
諂遺害無窮兮迨今茲而強胡雲焰方長

與群公分地賦詩得京口

京口瓜洲指顧間春風幾度到鍾山迷離綠遍  
江南地千里懷人去不還

讀張公煌言滿洲宮詞足徵其雜揉之實

李御史來東都又道數事乃續之



十二欄于月色鮮百花爛熳自逞妍昭陽殿  
裏妝初罷喜道名王著意憐胡酋初死妻不耐獨宿私于酋弟偽九王每聞王入宮欣悅倍常遍告宮娥阿監王格外愛憐之意

九王舊好漫相尋  
枳室沉沉月色侵  
宮監忽驚見  
故主頻聞悲怨到更深  
王与偽后綢繆之際監等忽見故主  
慘淡之容迴翔庭戶聞并聞悲泣  
聲傳言入内王后二人大怒責告者

元旦后王入廟門深宮寂靜祀祆神狂淫大像